

ხელშეკრულება სახელმწიფო შესყიდვების შესახებ #30-366

18 სექტემბერი 2019 წელი

1. ხელშეკრულების მხარეები

ერთის მხრივ, შპს „თბილსერვის ჯგუფი“ (შემდგომში „შემსყიდველი“) წარმოდგენილი მისი დირექტორის ლევან ჯღარკავას სახით, (მის. თბილისი კახეთის გზატკეცილი N67) და მეორეს მხრივ, შპს „თემური 1967“ (შემდგომში „მიმწოდებელი“), წარმოდგენილი მისი დირექტორის თეიმურაზ ჯაფარიძის სახით, (მის. ქ. თბილისი, პეტრე მელიქიშვილის გამზირი #6 ბინა 44).

2. ხელშეკრულების საგანი

2.1 შემსყიდველის მიერ ჩატარებულ ელექტრონულ ტენდერში აუქციონის გარეშე (NAT190011344) გაიმარჯვა მიმწოდებლის სატენდერო წინადადება, რომლის თანახმად, მიმწოდებელმა აიღო ვალდებულება მიაწოდოს შემსყიდველს საღებავები, გამამკვრივებელი და შუშა ბურთულა (CPV 44811000 - საგზაო მარკირების საღებავები).

2.2 ხელშეკრულებით გათვალისწინებული შესყიდვის ობიექტის სრული აღწერა, რაოდენობა, ერთეულის ფასი და ძირითადი მახასიათებლები მოცემულია დანართი N1-ში, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. შესასყიდი საქონლის ღირებულება (შემდგომში „ხელშეკრულების ღირებულება“) შეადგენს 1 507 856.00 (ერთი მილიონ ხუთას შვიდი ათას რვაას ორმოცდა თექვსმეტი ლარი და 00 თეთრი) ლარს დღგ-ს ჩათვლით.

4. შესასყიდი ობიექტის ხარისხი და საგარანტიო ვადა

4.1 შესყიდვის ობიექტის საგარანტიო ვადაა 12 თვე, საგარანტიო ვადის განმავლობაში მიმწოდებელი ვალდებულია საკუთარი ხარჯებით (ტრანსპორტირების ჩათვლით) აღმოფხვრას გამოვლენილი ხარვეზები (წუნი), გამოვლენიდან არაუგვიანეს 15 კალენდარული დღის ვადაში. იმ შემთხვევაში, თუ საგარანტიო ვადის მოქმედების პერიოდში აღნიშნულ საქონელში გამოვლენილი წუნი (ხარვეზი) არ ექვემდებარება აღმოფხვრას (შეკეთებას), მიმწოდებელი ვალდებულია საკუთარი ხარჯებით (ტრანსპორტირების ჩათვლით) უზრუნველყოს აღნიშნული წუნდებული შესყიდვის ობიექტის შეცვლა იგივე მოდელის საქონლით (ახალი) ან გაუმჯობესებული ტექნიკური პარამეტრების მქონე საქონლით (ახალი) გამოვლენიდან არაუგვიანეს 30 კალენდარული დღის ვადაში.

4.2 მიმწოდებელი პასუხისმგებლობას კისრულობს, რომ მოწოდებული საქონელი შეესაბამება ყველა მოქმედ თანამედროვე ტექნიკურ სტანდარტებს და ნორმებს, ხოლო რაოდენობა წინამდებარე ხელშეკრულების პირობებს.

4.3 მიმწოდებელი აცხადებს, რომ შესასყიდი საქონელი არის უფლებრივად და ნივთობრივად უნაკლო და იღებს პასუხისმგებლობას მისი წარმოშობის კანონიერებაზე.

5. შესყიდვის ობიექტის მიწოდების ვადა, ადგილი და პირობები

5.1 შესყიდვის ობიექტის მიწოდება ხორციელდება ხელშეკრულების გაფორმებიდან 2019 წლის 31 დეკემბრის ჩათვლით, შემსყიდველის მიერ მოთხოვნილი რაოდენობების (თითოეული მოთხოვნა იქნება არანაკლებ 20 000 კგ, ბოლო მოთხოვნის გარდა) შესაბამისად, მოთხოვნიდან არაუგვიანეს 30 (ოცდაათი) კალენდარული დღისა. შემსყიდველი არ იღებს ვალდებულებას შესყიდვის ობიექტის სრულად დაკვეთის შესახებ.

5.2 მიწოდების ადგილი – ქ.თბილისი, კახეთის გზატკეცილი N67 ან/და ბელიაშვილის ქ. N119-121.

5.3 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით და ტექნიკური საშუალებებით.

6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შეყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიმწოდებლის მიერ ნაკისრი ვალდებულებების შესრულება დასტურდება მხოლოდ მიღება ჩაბარების აქტით;

6.4 შესყიდვის ობიექტის ნებისმიერ ეტაპზე მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი, შემსყიდველთან შეთანხმებულ ვადაში.

6.5 საქონლის მიღება-ჩაბარებაზე უფლებამოსილი პირები არიან შპს „თბილსერვის ჯგუფი“-ს საგზაო მონიშვნის სამსახურის თანამშრომლები, რომლებიც მიღებას ახორციელებენ ინსპექტირების განმახორციელებელი პირების თანდასწრებით.

6.6 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1 შესასყიდი ობიექტის ღირებულება დაიფარება, მიღება-ჩაბარების (შესრულების) აქტის გაფორმებისა და ანგარიშ ფაქტურის გამოწერიდან არა უგვიანეს 10 (ათი) სამუშაო დღისა, გარდა წინამდებარე ხელშეკრულების 7.2 პუნქტის შემთხვევისა.

7.2 თუ მიმწოდებელს ნაკისრი ვალდებულებების არაჯეროვნად შესრულების გამო დაეკისრება პირგასამტეხლო, ანგარიშსწორება განხორციელდება შემსყიდველისათვის პირგასამტეხლოს თანხის ჩარიცხვიდან 10 (ათი) სამუშაო დღის განმავლობაში.

7.3 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

8. მხარეთა უფლება-მოვალეობანი

8.1. „შემსყიდველი“ ვალდებულია:

8.1.1. ხელშეკრულებით გათვალისწინებული საქონლის მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2. ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ საქონლის ღირებულება;

8.2. „შემსყიდველს“ უფლება აქვს:

8.2.1. შეამოწმოს მიწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოსთხოვოს მიმწოდებელს ნაკლოვანი ან უხარისხო საქონლის შეცვლა ან ნაკლის აღმოფხვრა.

8.2.5 მოსთხოვოს მიმწოდებელს ნაკლოვანი ან უხარისხო საქონლის შეცვლა ან ნაკლის აღმოფხვრა.

8.3. „მიმწოდებელი“ ვალდებულია:

8.3.1. დაიცვას ხელშეკრულებით გათვალისწინებული ყველა პირობა;

8.3.2 მიაწოდოს შემსყიდველს ამ ხელშეკრულების 2.1 მუხლში აღნიშნული საქონელი და მასთან დაკავშირებული დოკუმენტები საკუთრებაში.

8.3.3. ხელშეკრულებით გათვალისწინებული საქონლის მიწოდებისას საქმის კურსში ჩააყენოს „შემსყიდველი“ ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.3.5 საკუთარი ხარჯებით შეცვალოს შემსყიდველის მიერ გამოვლენილი უხარისხო საქონელი ან აღმოფხვრას არსებული ნაკლი.

8.4. „მიმწოდებელს“ უფლება აქვს:

8.4.1. მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

9. ხელშეკრულების შესრულების გარანტია

9.1 იმისათვის, რომ თავიდან იქნეს აცილებული მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის რისკი, ტენდერში გამოიყენება ხელშეკრულების შესრულების უპირობო და გამოუთხოვადი საბანკო გარანტია, ხელშეკრულების ღირებულების 5%-ის ოდენობით, (იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის

მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების შესრულების უზრუნველყოფის საბანკო გარანტია 10%-მდე ოდენობით). საბანკო გარანტიის მოქმედების ვადა 60 დღით უნდა აღემატებოდეს შესყიდვის ობიექტის საბოლოო მიწოდების ვადას. უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

9.2 მიმწოდებლის მიერ წარმოდგენილი გარანტია გამოიყენება ნებისმიერი ზიანის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვანი შესრულების გამო.

9.3 მიმწოდებელს საბანკო გარანტია არ დაუბრუნდება თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

9.4 შემსყიდველი ვალდებულია მიმწოდებელს დაუბრუნოს გარანტია შემდეგ შემთხვევებში:

9.4.1 გარანტიის მოქმედების ვადის გასვლისთანავე;

9.4.2 მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;

9.4.3 კანონმდებლობით გათვალისწინებულ სხვა შემთხვევებში;

10. ხელშეკრულების პირობების შეუსრულებლობა

10.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო ხელშეკრულების ღირებულების 0.02%-ის ოდენობით;

10.2 იმ შემთხვევაში, თუ მიწოდების ვადაგადაცილება იქნება 30 კალენდარულ დღეზე მეტი შემსყიდველს უფლება აქვს ცალმხრივად შეწყვიტოს ხელშეკრულება;

10.3 ხელშეკრულების შეწყვეტის შემთხვევაში, მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ;

10.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

11. ხელშეკრულების ინსპექტირების პირობები

11.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

11.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

11.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

11.4 ხელშეკრულებით განსაზღვრული პირობების კონტროლს განახორციელებს შპს „თბილსერვის ჯგუფი“-ს ინსპექტირების ჯგუფი.

11.5 ინსპექტირება გულისხმობს „მიმწოდებლის“ მიერ ხელშეკრულების პირობების შესრულების კონტროლს ნებისმიერ ეტაპზე.

12. ხელშეკრულების შეწყვეტა

12.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

12.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2 მიმწოდებლის გაკოტრების შემთხვევაში;

12.4.3 მხარეთა შეთანხმებით;

12.4.4 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების პირობების გადასინჯვა

13.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

13.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

13.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, 'სახელმწიფო შესყიდვების შესახებ' საქართველოს კანონის და 'სახელმწიფო შესყიდვების განხორციელების წესის შესახებ' დებულებით გათვალისწინებული შემთხვევებისა;

13.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

14. ფორსმაჟორი.

14.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან;

15. ხელშეკრულების მოქმედების ვადა

15.1 ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2020 წლის 30 იანვრის ჩათვლით;

16. დავები და მათი გადაწყვეტის წესი

16.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

16.2 თუ “შემსყიდველი” და “მიმწოდებელი” მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით;

17. სხვა პირობები

17.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

17.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

17.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

17.5 წინამდებარე ხელშეკრულება არ შეიცავს არანაირ სიტყვიერ დამატებას.

17.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად.

17.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

- 17.8. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 17.9 ხელშეკრულება შედგენილია 2 (ორი) თანაბარი იურიდიული ძალის მქონე პირად, ქართულ ენაზე. 1 პირი ინახება შემსყიდველთან, 1 პირი გადაეცემა მიმწოდებელს;
- 17.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 17.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას;

18. მხარეთა ხელმოწერები და რეკვიზიტები

„შემსყიდველი“
შპს „თბილსერვის ჯგუფი“
დირექტორი

ლ. ჯღარკავა

„მიმწოდებელი“
შპს „თემური 1967“
დირექტორი

თ. ჯაფარიძე

საბანკო რეკვიზიტები

შპს „თბილსერვის ჯგუფი“
მის: ქ.თბილისი, კახეთის გზატკეცილი 67
ს/კ 206267494
სს „ლიბერთი ბანკი“
ცენტრალური ფილიალი
კოდი: LBRTG22
ანგ. N: GE90LB0113172770216000

შპს „თემური 1967“
მის: ქ.თბილისი, პ. მელიქიშვილის 6
ს/კ 404577230
სს „ტერა ბანკი“
კოდი: TABAGE22
ანგ. N: GE88KS0000000360803149

ფასების ცხრილი

საქონლის დასახელება	საქონლის ტექნიკური მახასიათებლები	წარმოების ქვეყანა	მწარმოებელი კომპანია	მოდელი	რაოდენობა კგ	ერთ. ფასი ლარი	საერთო ღირს ლარი
1	2	3	4	5	6	7	8
თერიალასტიკი აგლომერატი (დოკლიანისთვის განკუთვნილი) საღებავი თეთრი	საღებავის დამზადების შესაძლებლობა 200 გრადუსი ცელსიუსი „T102“-ის შემცველობა (სიიერიის ხარისხი) - 6%; საღებავის ხარვეის ნორმა 1მ ² -ზე - 3,7 კგ.; შუბის ბურთულაგების ხარვეის ნორმა 1მ ² -ზე - 400გრ . საღებავის გადვლის კოეფიციენტი P7-ის შემთხვევაში: სიკაშკაშის სიმკვრივის კოეფიციენტი დღის მდგომარეობაში -04, ავტომატის შუქის უკან დაბრუნებული არგვლის კოეფიციენტი დამთი მწვანე მდგომარეობაში -05, ავტომატის შუქის უკან დაბრუნებული არგვლის კოეფიციენტი დამთი სველ მდგომარეობაში - RW 6. საღებავის შეფუთვის სახე: 15 კგ.-იან შეფუთვით. შენიშვნა: აღნიშნული მახასიათებლები მიღებულია შუბს ბურთულაგებიდან ერთად;	საფრანგეთი	SAR (SOCIETE D'APPLICATIONS ROUTIERES)	Semilux 2013 Agilis	105000	7.93	832650
შუბს ბურთულაგები თერიალასტიკის განკუთვნილი	შეფუთვის სახე: 25 კგ.-იან შეფუთვით	რუსეთი	"Weissker GmbH" (კერმანია)	Duolux 135H1 180-850	12000	3.73	44760
თერიალასტიკის საღებავი თეთრი	საღებავის ხარვეის ნორმა 1მ ² -ზე - 2,3 კგ.; შუბის ბურთულაგების ხარვეის ნორმა 1მ ² -ზე - 450გრ . საღებავის გადვლის კოეფიციენტი P7-ის შემთხვევაში: სიკაშკაშის სიმკვრივის კოეფიციენტი დღის მდგომარეობაში -04, ავტომატის შუქის უკან დაბრუნებული არგვლის კოეფიციენტი დამთი მწვანე მდგომარეობაში -04, ავტომატის შუქის უკან დაბრუნებული არგვლის კოეფიციენტი დამთი სველ მდგომარეობაში - RW 5; საღებავის შეფუთვის სახე: 14 კგ.-იან შეფუთვით.; შენიშვნა: აღნიშნული მახასიათებლები მიღებულია შუბს ბურთულაგებიდან და გამამკვრივებელიდან ერთად	გერმანია	Bassler Lacke AG	Bascoplast BA10 (white)	30000	8.26	247800
თერიალასტიკის საღებავი წითელი	საღებავის შეფუთვის სახე: 14 კგ.-იან შეფუთვით	გერმანია	Bassler Lacke AG	Bascoplast Universal (r red)	30000	8.85	265500
თერიალასტიკის საღებავი ყვითელი	საღებავის შეფუთვის სახე: 14 კგ.-იან შეფუთვით	გერმანია	Bassler Lacke AG	Bascoplast BA10 (Yellow)	5000	9.03	45150
შუბს ბურთულაგები თერიალასტიკის საღებავისთვის განკუთვნილი	შეფუთვის სახე: 25 კგ.-იან შეფუთვით	რუსეთი	"Weissker GmbH" (კერმანია)	Lux*4H1 425-850	8000	2.48	19840
თერიალასტიკის საღებავის გამამკვრივებელი	შეფუთვის სახე: 25 კგ.-იან შეფუთვით	ჩეხეთი	"Akzo Nobel Functional Chemicals N.B" (ბრეზლანდები)	CH-50X Perkadox CH	1300	40.12	52156
შპს თერეო 1967							1507856

პრეზიდენტის ხელმოწერა: თერეო-1967 ჯაფარიძე

ხელწერილი
ინტერესთა კონფლიქტის არარსებობის შესახებ

ქ. თბილისი

18 სექტემბერი 2019 წელი

შპს „თბილსერვის ჯგუფის“ შიდა კონტროლის სამსახურის ინსპექტირების ჯგუფის ხელმძღვანელის მოვალეობის შემსრულებელი ვადასტურებ, რომ შპს „თბილსერვის ჯგუფი“-ს საგზაო მარკირების საღებავები სახელმწიფო შესყიდვასთან დაკავშირებით 2019 წლის 18 სექტემბერს შპს „თემური 1967“-სთან ხელშეკრულების N30-366 გაფორმებით, ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფები.

შპს „თბილსერვის ჯგუფის“ შიდა კონტროლის სამსახურის ინსპექტირების ჯგუფის ხელმძღვანელის მოვალეობის შემსრულებელი:

მთავარი სპეციალისტი

ვლადიმერ ლაზარტყავა





არდი
დაზღვევა

დამტკიცებული ფორმა FRI.03 (version 12.02)

ხელშეკრულების შესრულების საგარანტიო უზრუნველყოფა უპირობო გამოუთხოვადი საბანკო გარანტია

№ CPB/19 - 004856 18.09.2019წ.

ვის: შპს „თბილსერვის ჯგუფს“ (ს/კ: 206267494)

მხედველობაში ვიღებთ რა, რომ შპს თემური 1967, ს/კ 404577230 (შემდეგ – „მიმწოდებელი“) გამოცხადდა გამარჯვებულად საგზაო მარკირების საღებავების შესყიდვაზე გამოცხადებულ ტენდერში NAT190011344, წარმოგიდგენთ საბანკო გარანტიას, რათა უზრუნველყოფილ იქნეს მიმწოდებლის მიერ ნაკისრი სახელშეკრულებო ვალდებულების შეუსრულებლობის შემთხვევაში თქვენთვის მიყენებული ნებისმიერი პირდაპირი ზიანის ანაზღაურება. ამასთან დაკავშირებით,

ვადასტურებთ, რომ:

ვართ გარანტი და ამ საბანკო გარანტიის გაცემით ვკისრულობთ უპირობო და გამოუთხოვად საგარანტიო ვალდებულებას, თქვენი პირველივე მოთხოვნისთანავე გადაგიხადოთ საგარანტიო თანხა 75 410 (სამოცდათხუთმეტი ათას ოთხას ათი) ლარის ფარგლებში, მიმწოდებლის მიერ სახელშეკრულებო ვალდებულებების შეუსრულებლობის შემთხვევაში. ამასთან, საგარანტიო ანაზღაურების მოთხოვნა უნდა წარმოგვედგინოს ამ საბანკო გარანტიის მოქმედების ვადაში: მოთხოვნის წარდგენის დღედ ითვლება მოთხოვნის უშუალოდ გარანტთან (მის.: ქ. თბილისი, ვაჟა-ფშაველას გამზ. №3) ჩაბარების დღე; დაუშვებელია მოთხოვნის ელექტრონულად, ფაქსით ან სხვა საშუალებით წარდგენა.

ეს გარანტია ძალაშია 18.09.2019 -დან 05.03.2020-ის ჩათვლით.



მანია ჭამუშაძე
საოპერაციო ადმინისტრირების
დეპარტამენტის უფროსი